

"মিষ্টি - মিষ্টি বাচ্চারা - অমৃতবেলার সময় খুবই সুন্দর , তাই ভোরবেলা উঠে একান্তে বসে বাবার সাথে মিষ্টি -মিষ্টি বাক্যলাপ করো ।"

প্রশ্ন - নিরন্তর যোগী হওয়ার জন্য কোন্ জ্ঞান সবথেকে বেশী সাহায্য করে ?

উত্তর :- এই বিশ্বনাটকের জ্ঞান । যা কিছু হয়ে গেছে তা এই নাটকেই ছিলো । তোমাদের নিজের স্থিতিতে যেন কখনো চঞ্চলতা না আসে । পরিস্থিতি যাই আসুক, তা সে ভূমিকম্পই হোক বা ব্যবসাতে লোকসানই হোক, কোনো সংশয় যেন মনে না আসেএমন স্থিতি যে তৈরী করতে পারবে তাকেই মহাবীর বলা হবে । যদি তোমাদের এই নাটকের যথার্থ জ্ঞান না থাকে , তাহলে কঠিন পরিস্থিতিতে চোখে জলের ধারা বইতে থাকবে । নিরন্তর যোগী হওয়ার জন্য এই নাটকের জ্ঞান অনেক সাহায্য করে ।

গীত :- ওম্ নম শিবায়

ওম্ শান্তি । বাচ্চারা এখন খুব ভালোভাবে বুঝে গেছে যে এই পতিত দুনিয়ার অন্তিম সময় উপস্থিত । আর পবিত্র দুনিয়া শুরু হচ্ছে । এই কথা শুধু তোমরা বাচ্চারাই জানো । বাচ্চারা এই নির্দেশ বা শ্রীমত পেয়ে থাকে । এই শ্রীমত কে দেয় ? উঁচুর থেকে উঁচু সর্বোচ্চ ভগবান । তিনি তোমাদের বোঝাতে থাকেন, তোমাদের এখন পতিত থেকে পবিত্র হতে হবে । এই জ্ঞান শুধুমাত্র তোমাদের জন্য, আর বাকী দুনিয়ার আন্যান্য মানুষ তো সকলেই পতিত । এই পতিত দুনিয়ার অবশ্যই বিনাশ হবে । একমাত্র বিকারীদেরই পতিত বলা হয় । বাবা তোমাদের বলেন , তোমরা জন্ম জন্মান্তর একে অপরকে দুঃখ দিয়ে এসেছো, তাই তোমরা আদি , মধ্য এবং অন্ত সময়েও দুঃখ পাও । একজন অপরজনকে তোমরা পতিত বানিয়ে ফেলো । নিজেরাই তোমরা বলো যেআমরা পতিত , কিন্তু এই কথা তোমাদের বুদ্ধিতে ঠিকভাবে বসে না । তোমরা ডাকো, হে পতিতপাবন এসো, কিন্তু তবুও তোমরা এই পতিতপনা ছাড়তে চাও না । এখন তোমরা বুঝতে পারো সমস্ত ব্যাপারই হলো পবিত্রতা ধারণের উপর । এইটা বোঝার জন্যও তো কাউকে চাই । আর যিনি বোঝাবেন তিনি তো একমাত্র শিববাবা । বাকী যারা গুরুরা আছেন তারা কাউকে পবিত্র বানাতে পারেন না । এই পবিত্রতাও কেবলমাত্র এক জন্মের জন্য নয়, জন্ম জন্মান্তরের জন্য ধারণ করতে হবে । তোমাদের মধ্যে যারা জ্ঞানবান তারা এই জ্ঞানে তীক্ষ্ণ হয় । এই সমস্তকিছুই নাটকে লিপিবদ্ধ আছে । তোমাদের মধ্যেও মহাবীরের মনোভাব চাই এই মহাবীরেরাই আসবে বাবার স্মরণে থাকার জন্য । বাবা খুব ভালো করে তোমাদের এই কথা বুঝিয়ে বলেন । যেমনভাবে বাবা বলেন যে ভোরবেলা উঠে বাবাকে স্মরণ করো । স্মরণ করার জন্য ভোরের এই সময় খুব সুন্দর , যাকে প্রভাত বলা হয় । ভক্তিমার্গেও বলা হয় প্রভাতকালে মন দিয়ে রামকে স্মরণ করো । বাবাও বলেন , সকাল সকাল উঠে যদি বাবাকে স্মরণ করো তাহলে তোমাদের খুবই আনন্দ হবে । বাবার স্মরণে যখন তোমরা বসবে তখন তোমরা ভাববে কি ভাবে অন্যকে এই কথা বোঝানো যায় । অমৃতবেলার বায়ুমন্ডল খুবই শুদ্ধ থাকে । দিনেরবেলায় মানুষের বিভিন্ন কাজকর্মের কারণে বায়ুমন্ডল বিকারগ্রস্ত থাকে । আবার রাত ১২ টা পর্যন্ত এই বায়ুমন্ডলে বিকারী অবস্থা থাকে । সাধু - সন্ত , ভক্তরা তাদের ভক্তি কিন্তু এই প্রভাতের সময়েই করে । এমনিতে তো দিনের বেলা স্মরণ করাই যায় । নিজের কাজ কারবার করতে থাকলেও বুদ্ধির যোগ

যে দেবতার পূজারী হয় তাঁর প্রতিই থাকা উচিত । কিন্তু এমন কারোরই থাকে না । ভক্তিমার্গে মানুষ ঈশ্বরের দর্শনের জন্য পরিশ্রম করে । কিন্তু এই দর্শনে বিশেষ কিছুই লাভ হয় না । তাদেরও একদিন ভক্তি করতে করতে তমোপ্রধান হতেই হবে । ভক্তিমার্গেও শিবের উপর লোকে বলি যায় যাকে কাশী কলবট বলা হয় । সেখানে শিবকে স্মরণ করতে করতে মানুষ কুমোতে ঝাঁপ দেয় । শিবের উপর বলি চড়ায় । সে হলো ভক্তিমার্গের বলি । আর এ হলো তোমাদের জ্ঞানমার্গের বলি । ভক্তিমার্গও মুশকিল, জ্ঞানমার্গও মুশকিল । এই বলির জন্য ভক্তিমার্গে কোনো লাভ হয় না । এটা কেবল আত্মা নিজের শরীরের উপর আঘাত করে । এটা কোনো জ্ঞানের কথাই নয় । ভক্তিতে বলা হয় আত্মাই হলো পরমাত্মা । আত্ম - অভিমানী একমাত্র বাবাই, যিনি বাচ্চাদের বোঝান যে , পরমাত্মা তো আমি শিববাবাই । আমরা আত্মারাই হলাম পরমাত্মাএটা সম্পূর্ণ মিথ্যা কথা । এটা তো হতেই পারে না ।

বাবা বলেন যেআমি পতিত মানুষকে পবিত্র বানাতে আসি , এবং পবিত্র বানাচ্ছিও । বাকী তো নাটকে যা আছে তাই হবে । তোমরা ভাবো যখন ভূমিকম্প হয় , ছাদ ভেঙ্গে পরে, তখন ভাববে আগের কল্পেও এমনই হয়েছিলো । এতে দ্বিমত হওয়ার কোনো প্রয়োজন নেই । নাটকের উপর দৃঢ় থাকো । একেই মহাবীর বলা হয় । দুর্ঘটনাও তো অনেক হয়ে থাকে । এই দুর্ঘটনার হাত থেকে তো কাউকে রক্ষা করা যায় না । এওতো নাটকেই রয়েছে । তাদের পার্ট নাটকে এমনভাবেই রয়েছে । যারা এই নাটকে জানে না, তারাই দেহকে স্মরণ করে চোখের জল ফেলতে থাকে । তারা কখনোই শিববাবাকে স্মরণ করতে পারবে না কারণ শিববাবার সঙ্গে তাদের সেই ভালোবাসাই গড়ে ওঠে নি । সত্যিকারের ভালোবাসা তৈরীই হয় নি । বাবার সঙ্গে সম্পূর্ণ ভালোবাসার সম্পর্ক থাকতে হবে । প্রতি কল্পেই শিববাবার সঙ্গে তোমাদের প্রীত বুদ্ধির যোগ হয় । দেবতাদের বাবার সঙ্গে প্রীত বুদ্ধি ছিলো এই কথা বলা যাবে না । দেবতারা এই সঙ্গম যুগে বাবার সঙ্গে প্রীত বুদ্ধির কারণেই সত্যযুগে দেব পদ পেয়েছিলেন । তখন তো তোমাদের মনেই থাকবে নাসারা কল্পে তোমাদের শিববাবার কথা মনেই থাকে না, যে কারণে তোমরা তাঁর সঙ্গে প্রীত বুদ্ধির যোগ জুড়তে পারো । এখন বাবা এসে তোমাদের নিজের পরিচয় নিজেই দিচ্ছেন । এখন বাবা তোমাদের বলেন যে অন্য সব সঙ্কল্প ছেড়ে এক আমাকেই স্মরণ করো । এই বিনাশ কাল তো অবশ্যই আসবে । একথাও তোমরা বাচ্চারা জানো । আর দুনিয়ার মানুষতো ঘোর অন্ধকারের মধ্যে আছে । তোমরা এখন জানো তোমাদের বাবার থেকে পুরো বর্ষা নিতে হবে । বাবাকে স্মরণ ছাড়া তোমরা সতোপ্রধান হতে পারবে না । সার্জন হয়ে নিজের রোগকে তোমাদেরই দেখতে হবে । শ্রীমতকে ধারণ করে তোমাদের দেখতে হবে যে তোমাদের বাবার সঙ্গে কতোটা প্রীতির সম্পর্ক আছে । অমৃতবেলার সময় বাবাকে স্মরণ করা সবথেকে ভালো । এই প্রভাতের সময় খুবই ভালো । এই সময় মায়ার ঝড় আসে না । আবার রাত ১২ টা অবধি তপস্যা করে কোনো লাভ হয় না , কারণ এই সময় অতটা ভালো নয় , কারণ দুনিয়াতে এই সময় বিকারের প্রভাব বেশী থাকে । এই সময় বায়ুমন্ডলও খারাপ থাকে । তাই রাত ১ টা অবধি সময় ছেড়ে দেওয়া দরকার । এই রাত ১ টার পরে বায়ুমন্ডল ভালো হতে শুরু করে । বাবা বলেন যেতোমাদের তো সহজ রাজযোগ , তোমরা ভালো করে আরাম করে বসো । ব্রহ্মা বাবা তোমাদের নিজের অনুভবও শোনান । কেমনভাবে তিনি বাবার সঙ্গে কথা বলতেন । তিনি বলতেনবাবা কতো আশ্চর্য সুন্দর এই নাটক । তুমি কেমন করে এসে মানুষকে পতিত থেকে পবিত্র মানুষে পরিণত করো । সারা দুনিয়াকে কিভাবে বদলে ফেলো । খুবই আশ্চর্যের এই ঘটনা। যেমনভাবে বাবার খেয়াল আসে ঠিক তেমনভাবে বাচ্চাদেরও এই খেয়াল আসা উচিত যে

কেমন করে মানুষকে এই বৈতরণী পার করবে। বাবা বলেন যেতোমরা আমাকে ডাকো, হে পতিতপাবন এসো। এখন আমি এসেছি তাই তোমরা আর পতিত কাজ করো না। পতিত হয়ে এই সভায় এসে বোসো না। তাহলে তোমরা এই বায়ুমন্ডলকে অশুদ্ধ করে দেবে। বাবা তো সবই জানতে পারেন। দিল্লী এবং বোম্বেতে এমন বিকারে যাওয়া মানুষরা এসে বসে যেত। এই কথা প্রচলিত আছে যে অসুর এসে যজ্ঞতে বিঘ্ন করতো। বিকারে যারা যায় তাদের অসুর বলা হয়। বায়ুমন্ডলের পরিবেশকে তারা খারাপ করে। তাদের জন্য খুব কড়া সাজা আছে। বাবা তো তোমাদের অনেক করে বোঝান, কিন্তু তবুও তোমরা নিজেদের অবনতি নিজেরাই করো। তোমরা মিথ্যা কথাও বলো। তখনই তোমাদের সঙ্গে সঙ্গে এই কথা বাবাকে লিখে দেওয়া উচিতবাবা আমাদের এই ভুল হয়ে গেছে, ক্ষমা করো। নিজে যা পাপ করেছে তা বাবাকে লিখে জানাও। নাহলে এই পাপের বৃদ্ধি হতে থাকবে আর তোমরা রসাতলে চলে যাবে। এসেছিলে এখানে কিছু নিতে কিন্তু কান কেটে চলে যাবে। এও নাটকে লিপিবদ্ধ আছে। এমন অসুর আগের কল্পেও ছিলো, এখনো আছে। অমৃত ছেড়ে তারা বিষ পান করে। নিজেরও লোকসান করে আর অন্যেরও লোকসান করে। এরা বায়ুমন্ডলকে খারাপ করে দেয়। ব্রাহ্মণীরাও সবাই একসমান হয় না। মহারথী, ঘোড়সওয়ার, পেয়াদা সবধরনেরই হয়।

তোমাদের বাচ্চাদের অঁখে খুশী হওয়া উচিতবাবাকে পেয়েছি আর কি চাই। হ্যাঁ, নিজের সংসারে বাচ্চাদের তো অবশ্যই সামলাতে হবে। এমন নয় যে বাবাকে বললে, বাবা এইসবই তোমার, তুমি সামলাও। আমি তো তোমার হয়ে গেছি। বাবা তোমাদের বোঝান যে গৃহস্থ জীবনে থাকলেও তোমরা পদ্মের মতো পবিত্র থাকো। কোনো পতিত কাজ করো না। প্রথম কথাই হলো কামবিকারের। দ্রৌপদীও ডেকেছিলো বস্ত্র হরণের সময়। তখনই বাবাকে ডেকেছিলো যখন বাবা এই ধরায় এসেছিলো। বাবার আসার আগে কেউই বাবাকে ডাকে না কারণ কাকে ডাকবে? বাবা এসেছে, তখনই তো বাবাকে ডাকবে। পতিত থেকে পবিত্র হয়ে তোমরা কোথায় যাবে? শান্তিধামে যাবে। এইসবই তো এই সঙ্গমযুগের কথা। সবার সঙ্গতিদাতা, উদ্ধারকর্তা হলেন একজনই, শিববাবা। এই দুনিয়া হলো দুঃখের দুনিয়া। সাধু সন্তরাও পুরোপুরি সুখী নয়। সবারই কোনো না কোনো দুঃখ, শোক, রোগ ইত্যাদি আছে। কোনো কোনো গুরু অন্ধও হয়। নিশ্চই এমন কোনো কাজ করেছিলো যার ফলে এই জীবন পেয়েছে। সত্যযুগে কিন্তু কোনো প্রতিবন্ধী মানুষই থাকবে না। এইসব কথা মানুষ বুঝতেই পারে না। বাবা এসেই তোমাদের এই কথা বোঝান। শিববাবাই হলেন জ্ঞানের সাগর এবং পতিত-পাবন। বাকী সবাই হলো ভক্ত। ভক্তিমার্গ সম্পূর্ণ আলাদা। আর এ হলো সিঁড়িতে নীচের দিকে নামার মার্গ। এই নীচে নামতে বা জীবনবন্ধ অবস্থায় আসতে মানুষের ৮৪ জন্ম সময় লাগে, কিন্তু জীবনমুক্ত অবস্থায় আসতে মাত্র এক সেকেন্ড সময় লাগে। যদি তোমরা বাবার শ্রীমতে চলে বাবাকে স্মরণ করো তবেই হবে। কিন্তু সবই নশ্বরের প্রাপ্তির উপর নির্ভর করে। কেউ কেউ বলে আমি যদি ওই শিক্ষককে পেতাম তাহলে ভালো হতো। অবশ্যই নিজে কমজোর বলেই বলে ওই শিক্ষককে ২ - ৪ মাসের জন্য পাঠিয়ে দাও। বাবা বলেন যে এটাও ভুল কথা। তোমরা ব্রাহ্মণীদের কেন স্মরণ করো, যেখানে বাবা তোমাদের বলেন যে কেবলমাত্র বাবাকেই স্মরণ করো আর স্বদর্শন চক্র ঘোরাও আর অন্যদেরও এই কথা বোঝাও। এখানে ব্রাহ্মণী এসে কি করবে? এ তো এক সেকেন্ডের কথা। তোমরা কাজকারবার করতে করতে সব ভুলে যাও, তখন ব্রাহ্মণীরাও তোমাদের একই কথা বলবে মনমানাভব.....। কোনো কোনো বুদ্ধিহীন মানুষ এই কথা বুঝতে পারে না, কেবল বলে ভালো ব্রাহ্মণী চাই। জ্ঞান তো তোমরা পেয়েই গেছে। তাই বাবা আর তাঁর বর্ষা বা

সম্পত্তিকে স্মরণ করো । দেহ অভিমানকে ত্যাগ করো । এটা আমাদের সেন্টার , ওইটা ওদের সেন্টার এই ধরনের কথা ত্যাগ করো । ওই জিজ্ঞাসুরা ওখানে কেন যায়এ সবই দেহ অভিমানের কথা। সবই শিববাবার সেন্টার , তোমাদের কারোর নয় । তোমাদের এই কথা কেন মনে হয় যে ওই শিক্ষিকা আমাদের সেন্টারে কেন আসেন না । বাবা বলেন , যেখানেই যাও কারোর থেকে কিছু চেও না । এতো বুঝতে পারছো বীজ না বপন করলে তোমরা কি পাবে ? ভক্তিমার্গেও দানপুণ্য করার চল আছে । ভক্তিমার্গে তোমরা পরোক্ষভাবে ঈশ্বরকে অর্থ দিতে । সাধু সন্ন্যাসীদেরও তোমরা অনেকই দিতো নাহলে দান গরীবদেরই দেওয়া হয় , সাহকারদের নয় । এর মধ্যে সক্তির দান সবথেকে ভালো । এও বাবা বলেন যে , দান করলে পরজন্মে তোমরা তার ফল পাও । ঈশ্বরই সবাইকে এই ফল দেন । সাধু সন্ত তোমাদের এই দানের পরিবর্তে কোনো ফল দিতে পারে না । ফল দেন একমাত্র শিববাবাই । তিনি কারোর মাধ্যমে এই ফল দেন । বাবা তোমাদের বোঝান যে তোমরা ঈশ্বরীয় কার্যে অর্থ দিতে তার ফলে পরের জন্মে তোমরা প্রাপ্তি করতে । এখন তো শিববাবা প্রত্যক্ষভাবে তোমাদের কাছে এসেছেন । এখন তোমরা ২১ জন্মেরও জন্য বাবার থেকে প্রাপ্তি করবে । এখন তো মৃত্যু সামনে দাঁড়িয়ে আছে । ভক্তিমার্গে এই কথা কখনো বলা হয় না যে মৃত্যু সামনে দাঁড়িয়ে আছে তাই নিজের জীবনকে সফল করো । তাই এখন বাবা বলেনযার ইচ্ছা হয় , এই রুহানি হাসপাতাল খোলো । কেউ যদিও বলে বাড়ি বানাবো তো তাতেও এই রুহানি হাসপাতালের ব্যবস্থা করো । বাবা বলেন আজ বাড়ি তৈরী করে কাল যদি মরে যাও তবে তো সব শেষ হয়ে যাবে । এই শরীরের উপর কোনো ভরসা নেই । বাড়িতে যাই জায়গা থাকুক , একটি ঘর রেখে দাও , যেখানে এই রুহানি হাসপাতাল বা রুহানি কলেজ বানাও । অনেকের কল্যাণ করতে পারবে , তাহলে অনেক উঁচু পদ প্রাপ্ত করবে । আচ্ছা।

মিষ্টি - মিষ্টি হারানিধি (সিকিলধে) বাচ্চাদের প্রতি মাতা পিতা , বাপদাদার স্মরণ , ভালোবাসা আর সুপ্রভাত । রুহানি বাবার রুহানি বাচ্চাদেরকে নমস্কার ।

ধারণার জন্য মুখ্য সার :-

১) শ্রীমতে চলে নিজেকে দেখো যে এই বিনাশকালে তোমাদের কি এক বাবার সাথে সত্যিকারের প্রীতির সম্পর্ক আছে ? অন্য সব সম্পর্ককে ছেড়ে এক শিববাবার সঙ্গে সব সম্পর্ক জুড়েছো কি ? কখনো কোনো বিকর্ম করে অসুরের জীবন তো গ্রহণ করো নি ? এইভাবে নিজেকে পর্যবেক্ষণ করে পরিবর্তন করতে হবে ।

২) এই শরীরের কোনো ভরসা নেই , তাই তোমাদের নিজেদের সবকিছু সফল করতে হবে । নিজেদের স্থিতি একরস এবং অচল বানানোর জন্য এই নাটকের রহস্যকে বুদ্ধিতে ধারণ করে চলতে হবে ।

বরদান :- শ্রেষ্ঠ কর্মের দ্বারা স্মরণযোগ্য হওয়ার জন্য যোগযুক্ত এবং যুক্তিযুক্ত হও ।
তোমাদের প্রত্যেকটি কর্ম যতখানি শ্রেষ্ঠ হবে , ততই শ্রেষ্ঠ আত্মাদের মধ্যে তোমাদের স্মরণ হবে । ভক্তিতে দেবী দেবতাদের নামের স্মরণ হয় , আর এখানে যে শ্রেষ্ঠ আত্মারা আছেন তাদের তাঁদের গুণ আর কর্মকে উচ্চ বানানোর জন্য স্মরণ করা হয় । তাই তোমরা শ্রেষ্ঠ কর্মের আধারে স্মরণযোগ্য হতে থাকবে আর সেইজন্য যোগযুক্ত হবার অভ্যাস করো । যোগযুক্ত হলে প্রত্যেকটি সংকল্প , শব্দ বা কর্ম অবশ্যই যুক্তিযুক্ত হবে , তখন তোমাদের অযুক্তির কর্ম বা সংকল্প হবেই নাএটাও হলো যোগ ।

স্লোগান :- নিমিত্ত আর নির্মাণচিত্তএই হলো সত্যিকারের সেবাধারীর লক্ষণ ।